

余戊申春二月蒞任新安即求新安縣志據父老云板已燬即舊志之存者亦罕久之始由侯君慈舫覓到邱志一部計八冊首尾尚完具書成乾隆丙戌距今已一百四十八年時勢又不同矣然近來新政迭頒舉凡土地山川財賦禮俗凡有事於調查者胥於是乎賴志書顧不重乎

攷新安於古無聞秦置縣歷漢迄唐憚避嶠嶽之險乃由宜陽改道新安遂為秦晉要道冠蓋往來兵戎絡繹供億煩苛民不堪命矣迨前清末造其弊尤甚遂有邑差之舉將民間一切所辦之差由民出資邑給於官代為辦差先此民病至此而官亦病矣余在新安瞬逾六載每思邀集父老籌議一

善全之法卒不可得迨武漢事起民國肇興民困頓蘇而隣匪倏又蠭起擾攘年餘我民方救死之不暇矣能更謀他事以致各新政未能切寔進行余心滋愧焉余尤懼舊志之漸就湮沒而新民又迫於兵事不及延續後來將何資攷證余姑先將舊志付諸石印以廣流傳一俟寇亂教平即

邀同新安諸君子分門蒐集某也任土地某也任山川某也任財賦某也任禮俗將新安故寔一一詳載無遺以續邱璋五先生一百四十餘年之墜緒諸君子勉乎哉

中華民國三年四月十五日常熟辛庵曹炳章誌

續纂新安縣志叙



東垣蒙爾邑紫岡絡河原田蕪瘠長民者爬梳凋瘵
懼弗有瘳遑暇丹鉛纂紀也第析疆宇而郡縣之亭
平筦鑰厥職惟考哉問兵刑不知問錢穀不知公餼
之占岡恤矣余為是懼乃自登封量移是邦者凡再
閱歲廢之舉幾何墜之脩幾事則按圖考冊以得所
秉承是故星野疆域沿革建置之所由來其居然國
於天地者誠有與立也山川土田戶口學校賦役風
習之交奚紀緼而調燮是官師休咎人物機祥譬鑑
之懸毛髮弗敢忘之不可以己若是哉勝國以前志
委諸燼 本朝順治中莆田俞公始訪求遺佚約畧
成書繼以寧遠佟公稍加增訂迄三十餘年太原韓
公乃復蒐輯付梓今又七十餘年矣

國家治澤升恒百昌無極土膏之日洩丁產之日滋文物
聲教之日暨訖堯華而吾新士民纘席清芬恢張庥
緒所為日新月異之象有非能掌羅而指倮者因而
循之匪逸則訛余茲不揣固陋掃榻延英與博徵而
續注之率吏職也抑亦勾稽片暇攤覽案頭天時人

事之有關則惴焉原驚鴻澤余其府忽城愁惟是編
之悚心暢目而無敢即安余滋戚矣由後視今或將
有鑒於斯文

乾隆丙戌花朝文林郎知新安縣事南海邱峨撰

舊志序

共五首備錄於左
以著前人苦心

卷首第二

修志原序

聞之琴瑟不調必更張之乃可鼓也新邑之勢處今
日為極難矣以彈丸小邑介於秦楚大邦驛使累兵
往來不絕如織是邑人無息肩矣可更乎否曉田瘠
土山處其半如他邑之沃壤肥美百不及一勞力薄
獲啼飢仰屋是邑人無厚資矣可更乎否漕糧則溢
額堪嗟協濟則將伯莫助嗷野飛鴻瞻望豐土是邑
且將無人民矣可更乎否且開創之初賦役未均上
地重至六錢中下有三四錢者

新安縣志

卷之首

首之二

三

舊序一

國朝幅員萬里未聞以此比類一時之誤遂如縉之涅
不復白果瘠土民勞不習淫佚與抑利害不百難以
吏定與即以當事者極意撫循如鞠嬰兒而運險多
艱且無如時勢何是邑之所重不獨在志也而志亦
有所以重者文教關乎氣運治具審乎名實前之日
舉者何以盡廢也今之日廢者何以盡舉也觀其治
其名實可稽徵其文其氣運可卜是志也者所以志
邑人之苦樂與邑父母之勤劬隨時補救而鞠育之

者也志固不可無且不可不時為訂也大中丞賈公
秉鉞中州保釐東都衮衣信宿其所以舉廢興衰者
既懇且至矣邑侯佟公承風於下常蔭遍野河潤溢
鄰其所以舉廢興衰者抑又懇且至矣故肯定志書
次更賦役即以新安溢額非古急為入告捐其非古
制者十之四倘所謂更張之琴瑟非歟自今伊始謂
民遂暇逸好樂太康此勢之難驟信乎去其太甚休
息有日長吏之節翼有藉是邑之息肩可知矣謂兩
賜無損比屋可封此勢之難驟信乎恒產可復舍鼓

優游溢額之積弊一清是邑之厚資可期矣謂孳生
遽繁家室濫處此勢之難驟信乎重土食力井伍晏
然簪緯之憂恤不聞是邑之人民可安矣今將使人
忘其害而不知害之所自除享其利而不知利之所
自詒乎是非志之不可不詳以志其利害之攸存也
不可然則蒞斯土者與讀斯志者知一事之創不可
忽一法之過必求平且以知重修是知之日即更定
賦役之日則是序也非以諛威德以紀治化也夫然
而邑之氣運與邑之名貴近可以信一日遠即可以

徵後世矣順治十八年辛丑冬十月邑進士呂兆琳
撰

韓志原序

邑之有志如國之有史史以分善惡別淑慝辨貞淫
而一代之勸懲以立志以記風土表治績載文物而
一邑之盛衰以著故史為一代之直書而志乃一邑
之實錄也新安舊有志修於順治丁酉迄今三十餘
年天運之往復平波人事之險易通塞歲異而月殊
不為增修能免挂漏耶茲逢大中丞閻公才華八表

新安縣志

卷之首

首之二

五

舊序三

節制兩河經理之暇留心典籍開館嵩陽書院以成
一省之通志復檄豫屬州郡通行續修發凡起例用
昭畫一我郡伯汪公手握據筆監理其事甚盛舉也
佑唐敬佑下風敢不拮据從事但以碌碌庸才心長
智短雖故帙尚存前人之成書畧備而新聞未集後
來之考証何憑用徵通儒蒐輯參考凡山川土田之
數禮樂政教之制忠孝廉節之行以及冗長薄技斷
簡殘篇務期搜羅無遺不敢或苟至於煩者宜削譌
者宜正疑者宜缺幽微者闡發必及卑寒者表揚恐

後此又區區微誠但求自信於一心不但踵事增華酌繁就簡而已卷凡十七又附目四十皆恪遵草式分類屬草伏候裁鑒成書以光下邑謹序康熙三十年歲次辛未季春知縣韓佑唐撰
又裴序

新邑之有志其來已久其間山水土田貢賦徭役星野風俗人物無不可按籍而知

朝廷方事纂修會典詔郡國通修志而必以郡邑之記載發其端大一統也邑侯韓公協集輿望矢慎矢公

新安縣志

卷之首

首之二

六

舊序四

重刊之以示勸懲備輜採裕如也然而邑在今日難言矣以志境土地不滿六里矣以志征賦稅不過五千矣以志人丁戶不過二千矣以志漕餉則溢額無告矣以志驛所則衝繁無寧息矣其他尤不勝書也覽斯志者鴻雁之聲如聞於耳他儒之狀如接於目雖不關情人亦無不動意寒心者而新民乃安土不遷且來歸日衆者豈瘠土之民勞而多義耶士大夫以輕去其鄉為恥耶賢父母撫循孔良千瘡百補意苦心勞相為依依者耶我知先正之流風在人化導

之芳型未遠忠臣義士理學名儒與夫高人俊彥貞
女烈婦遠者談之父老近者感之目擊又有賢侯休
養涵育於其間自非荒初為驅人莫不安廬井恥後
義蓋非一朝一夕之所能也噫新邑當戊戌己亥間
以賦役未均糧差繁重其逃而散四方者已十之四
五矣自非叔玉呂君激切上陳得以入告

恩減而後侯又軫恤民艱力成其事新之為新無以有今
日矣故必大書特書鄭重而志之也斯志成後之覽
者得無歎然奮興繼美叔玉以大庇我桑梓乎後之

賢侯其果陰雨膏沃如保誠求以永福我士民乎言
及此不勝感慨冀望云康熙三十三年甲戌孟夏吉
日兵部武選清吏司員外郎邑人裴袁撰

又王序

古王畿侯國各紀其山川風土習俗物產以備太史
輶軒之採即今之郡邑志也特名史不名志史裁著
於龍門志例昉於孟堅議者謂遷貶損當代固賤直
節事多失實不若志之近見諸郡邑者猶為信而有
徵也然搜羅不廣則鄙陋貽譏紀載寡當則憤冒致

謂言之不文行而不遠後之視今猶今之視昔也邑志經明季兵燹之後桑梓故實槩付秦灰

國朝鼎革邑侯俞公訪求舊志僅存其半約畧補綴邑侯佟公又訂而刊之既文獻之無徵亦採輯之乏人宜志之弗能為良也今侯韓公以明作之才勵潔清之操政修人和百廢俱舉適奉檄纂修邑志但迫於時絀於費彈主志之經營節水俸而授之梓書成謂溢宜有言以弁簡端溢竊幸志之有成也夫志紀也其大者紀山川紀賦役紀名宦鄉賢以及人才節義

新安縣志

卷之首

首之二

八

舊序六

物產風尚無不備紀溢不禁愴然有感矣邑西峭函北黃流巖爾巖邑當雍梁孔道輪蹄之往來支應項費無米之炊可念也砂磧石田棘荆叢莽居十之七賦役則例視他邑倍之列肉醫瘡更堪憐也前此宦斯土者或約己以裕民力減賦以舒民困或戢暴卒以全萬人之命俎豆而尸祝之豈繫之人保無有掣其肘者乎生斯地者或勇退以風俗或倡學以淑世或抗危難以扶綱常於今雖科名不乏人佩先型不尤望於振作而興起者乎潛德淑媛全節殞身保無

有未經表揚而埋沒幽光者乎不習商賈知下邑之
無異產勞而向義驗瘠土之多貧民不有人思息肩
望殷撫字者乎以其所志思其所不克志之隱邑之
民情欲惡之端悉具於此矣

聖天子省方清問此志備載下土民力衰憊之形賦役衝
繁之苦仁人節婦之隱德待彰貞臣志士之行誼未
錄閱之惻然動念輕徭省歛錄孝旌廉新其大有造
乎則志也而籲告之義存焉矣康熙三十三年孟夏
湖廣德安府通判邑人王澤溢撰

新安縣志

卷之首

首之二

九

舊序七

劉志原序

編仍四冊中增續者賦稅職官人物藝文作者或疑有舛漏故未判今存其序

新之立縣自秦始晉魏以降或郡或州或析縣稱名
各異

國朝仍有明之舊祇立新安一縣雖最爾地實為洛郡
上游當雍梁孔道又土瘠而民貧疲頓極矣前令之
謀其休息者情見乎辭不一而足柱以檁材永乏備
職繕厠舊乘知其曩昔之困於歲慘於兵苦於供役
實數十年於茲幸遇

聖天子車書一統百有餘歲撫循淪浹教育振興蓋彬彬

乎稱盛理焉不登方策熙皞安著緬惟邑志一書前
明遺本無存初修於順治丁酉續修於康熙辛未距
茲又五六十年雖星野輿圖山川悉仍其舊而其間
土田貢賦人物官秩以逮文章歌詠之事莫不月異
而歲不同凡所當補續者不可勝數歲當丙寅我郡
守曹公將續修府志先檄飭各屬纂訂縣志以為集
腋之舉伏思我

朝文教覃敷屢徵遺書又

特命館閣詞臣纂修一統志凡殊俗異方靡不梯山航海

新安縣志

卷之首

首之二

十

舊序八

奉版圖以備編輯矧近在中州沐浴邦畿教澤尤深
且渥者哉謹按新民愚而朴士質而良男女効績頗
有古風柱於編述之餘殊深欣慰計自辛未以來迄
今丙寅舊有者仍新出者續卷首增凡例七則庶幾
展卷瞭然可以得作者經營之心既脫稿聊綴數語
於簡末時乾隆十一年丙寅仲秋知新安縣事慶雲

劉夢柱撰

脩志職銜

卷首第三

鑒定

巡撫河南等處地方兼提督銜都察院右副都御史加三級

阿思哈

補堂滿洲正紅旗人

提督河南全省學政翰林院編修加一級李宗寶

璞菴福建閩縣人

河南等處按察使加三級紀錄二十四次佛

德

容齋滿洲正紅旗人

河南等處按察使加三級紀錄二十四次溫必聯

燭

謙之浙江山陰籍湖南靖州人保舉

分巡河南開歸陳許等處兼理河務兵備道加級周於智

愚若雲南嶧峨人

分巡河南開歸陳許等處兼理河務兵備道加級周於智

愚若雲南嶧峨人

分巡河南開歸陳許等處兼理河務兵備道加級周於智

愚若雲南嶧峨人

新安縣志

卷之首

首之三

十一

職銜一

河南府府吳侯陞加九級紀錄九次記功七次傅爾瑚訥

育亭滿洲鑲白旗人戊辰進士

河南府糧河鹽捕兼管水利道通判加三級紀錄吳朝鳳

儀之廣東番禺人

主脩

新安縣知縣加五級紀錄五次記大功五次邱

毅

毅國廣東南海人

較訂

新安縣儒學教諭

張希賢

聖岸舞陽人副榜

新安縣儒學訓導

張殿颺

書思新野人歲貢

督刊

新安縣典史

王可安

靜齋浙江山陰人

新安縣志

卷首第四

凡例 計八條

一新志明以前無存本今所有者二部一刊於韓令佐唐在康熙辛未迄今聖在順治辛丑一刊於韓令佐唐在康熙辛未迄今已七十餘年中間劉令夢柱曾接修之而未及成書在乾隆丙寅去今又幾二十年後來之人物事蹟日益繁盛未經登記斯亦志絕續之大闕矣不可不急謀修輯也爰集邑人士採補之自今乾隆三十年乙酉重陽經始逮歲杪脫藁時促緒繁不無舛漏更望

新安縣志

卷之首

首之四

十二

凡例一

大方補訂之

一此編接承韓志於辛未以後事應續入其自辛未以前悉照韓志敘入間有採諸府志通志者均繫曰補或參用已見則加一按字為別其用辛丑志者則曰佟志用辛未志者則曰韓志惟用丙寅未成之志甚少亦必別曰劉志不敢掩人長也

一舊志體例未盡分朗今折衷各志一篇為一目一卷為一綱卷中各以次序篇綱下各以類列目目綴小引綱則弁以總序其中或間有增移刪併亦必聲明

庶幾條理秩秩瞭如指掌

一此編卷名篇名乃合考各志并遵照府志通志及他郡邑之典核而義長者與舊志雖名異而實同非判然為二按舊志計十七卷分目者僅五計目十四此編或裁或增或併或分皆易名易地而仍存其實計凡十有四卷列綱十有三分目一百一十又首末二卷分七項

一佟韓二志中秩官選舉人物多仍其舊示公慎也後來之秩官選舉應補者悉查照採入不敢遺漏人物

新安縣志

卷之首

首之四

十三

凡例二

項下則必以公舉有案者為據他則不敢濫入一人藝文或略有增損皆取其有關風化政治者風雲月露之章多亦棄為

一舊志逐條接寫首尾相連無以為續增之地今俱於篇末空白下篇另起目引庶可逐篇接續為他日留一餘步

一此志裁謀諸官師謀諸紳士敬延邑之好古而醇正者數人充總修分修之任分修者分類屬草採訪討論總修者折衷而釐訂之此外又有繪圖者繕寫者

校對督刊者悉以次詳其姓名載於卷末後之覽者
可以知其肩任之所在也

一篇篇擡寫平寫參差不一今遵做場屋論策之式其
文之無可擡及事在前代者文皆頂格其應擡之文
則文與題平各標目分別之處俱邊用八角界之

知縣南海邱 幾謹識

新安縣志

卷之首

首之四

十四

凡例三

新安縣志總目

卷首第五

新安縣知縣邱 我續纂

卷之首

新序 舊序 職銜 凡例 總目

卷之一

封域志併

方輿訂沿革 星野訂山川 形勝增街市訂

坊鄉訂古蹟 陵墓

卷之二

新安縣志

卷之首 首之五

十五

總目一

營建志

城池 公署 學校 倉廩訂坊表訂橋梁

郵政併

卷之三

秩官志

官額增知縣 典史 教諭 訓導 武職增

四屬 裁員訂

卷之四

惠政志 增